



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

371.3

U-93

1 MAR 2010

ՀԱՍԿԵՈՒ

ՄԱՆՈՒԿՆԵՐԻ ԱՇԽԱՏԱՆՔ

ԳՐԱԴԱՐԱՆ

IX

ԱԿՏԻ, ԱՐՄՏԱԼ

ՄԱՆՈՒԿՆԵՐԻ ԱՇԽԱՏԱՆՔԻՆ

ԸՆՏԱՆԻՔՈՒՄ

Թարգմ. Մ. ԱՄԻՆԵԱՆՅ

ԹԻՖԼԻՍ

«ՀԱՍՏԵՐ»-Ի ՄԱՆԿԱԿԱՐԺԱԿԱՆ ԳՐԱԳՐԱՐԱՆ

IX № 9428

~~370~~
1862-ԱՐ

Ս.ԿՍԷԼ Ա.ԲՍՍԱԼ

371.3
Ա-93

ՄԱՆՈՒԿՆԵՐԻ

ՄԵԱԾԽԱՏԱՆՔՆ



1003
14737

ԸՆՏԱՆԻՓՈՒՄ

Թարգմ. Մ. Ասիխանց



Թ Ի Յ Լ Ի Ս

Էլեքտրաչարժ ապ. «Հերմէս» Ս. Գ. Եղիզարեանի, Մաղաթ. փող. 1907

371.3

14737

Ա-93

371.3

Արարաց

արհեստ

Ա-93

Վեներա 287

Բնագր

արհեստներ

vii 3 2

Բնագր

vii 5 2203 14747

1862-3456 Մաղաթ

30428-42

Ա. Շ և Ա. Տ Ա. Ն. Գ*)

Մանուկների աշխատանքն ընտանիքում

Մինչև վերջին ժամանակները սակաւ ուշադրութիւն են դարձրել մանուկների մասնակցութեան վրա ընտանեկան աշխատանքների մէջ, նոյնպէս և այդ մասնակցութեան նշանակութեան վրա, որ մանկան ֆիզիքական և հոգեկան զարգացման գործում կարևոր դեր է կատարում:

Դպրոցը մեծամեծ պահանջներ դնելով մանկան առաջ, նրան համարեա խլել էր ընտանիքից, հեռացրել նրա շահերից, և երկար ժամանակ այդ բանի վրա նայում էին իբրև մի բնական հանգամանքի, իբր թէ կեանքում առաջին տեղը բռնում է դպրոցը:

Բայց վերջին տարիներս սկսեցին հասկանալ, որ մանկան ուշադրութիւնը կենտրոնացնել միայն դպրոցի վրա՝ արդարացի չէ, թէ մանկան և թէ ընտանիքի նկատմամբ ուստի մտածեցին սխալը մի կերպ ուղղել: Մեզ մօտ՝ Նորվեգիայում՝ սկսեցին դպրոցական խոհանոցներ բանալ և ուսման ծրագրի մէջ մտցնել իբրև առաջին առարկաներ՝ տնարարութիւն և «սլոյդ», այսինքն՝ ձեռքի զանազան տեսակ աշխատանքներ, ձեռարւեստ:

(13113.58)

*) Այս երկու յօդածները խմբագրել է Ակսէլ Աբստամը:

Կասկած չըկայ, որ դպրոցական ուսանելի առարկաների շարքում տնարարութիւնն և ձեռարկեստ մտցնելն առաջ կըբերի հետաքրքրութիւն և յարգանք ընդհանրապէս դէպի տնարարութիւնը և տնտեսութիւնը: Բայց որպէսզի դպրոցում ուսածը ցանկալի հետեանքների համար, անհրաժեշտ է որ ընտանիքն ևս նպաստի դրան: Դպրոցում մանուկներին հաղորդած տեղեկութիւններն, ու ձևերը ընտանիքը պիտի կարողանայ գործադրել և շահաւէտ դարձնել, և այդ ձանապարհով ամբարշտի մանուկների ստացած գիտութիւնները և զարգացնի աշխատելու ընդունակութիւնները:

Ընտանիքը կարող է և պարտաւոր է անել այդ, աչքի առաջ ունենալով թէ մանուկների և թէ հէնց իր շահը: Բոլորովին ճիշտ չէ այն կարծիքը, իբր թէ երեխաներն ընտանիքի մէջ իրենց աշխատանքով զգալի օգուտ չեն կարող բերել, իբր թէ նրանք միայն «խանգարում» և «փչացնում» են. այդպէս են ասում բժախնդիր տանտիկիները: Երեխաները կարող են տան մէջ շատ օգտաւէտ լինել, միայն պէտք է գիտենալ նրանց աշխատելու ընդունակութիւնները շահաւէտ կերպով գործ դնել:

Մենք աչքի առաջ ունենք, ի հարկէ, աւելի ունևոր դասակարգի մանուկներին: «Հասարակ ժողովրդի երեխան—ինչպէս ասել է գերմանացի մի գրող—քաղաքացի է մի առանձին պետութեան, ուր ամեն ինչ հաստատուած է արդիւնաւորութեան վրա, որտեղ մանուկն էլ իր առանձին տեղն ունի գրաւած, իբրև

աշխատաւոր օգնական իր ծնողների»:

Գործնական ամերիկացիք այստեղ էլ խրատական օրինակ են տալիս մեզ: Յանձնելով մանուկներին յարմար տնային աշխատանքներ և զարգացնելով նրանց մէջ պատասխանատուութեան զգացումը, ամերիկացի միջին դասակարգի շատ ընտանիքներ հասել են այնտեղ, որ հնարաւորութիւն ունեն կառավարելու առանց կամ համարեա առանց ծառայի:

Եւրոպացիներն զժւար հասկանալի է, թէ ինչպէս ամերիկացի մանուկը շատ վաղ սովորում է «օգնել ինքն իրեն» և ուրիշներին: Ամերիկացի դարձած նորվեգացի մի տիկին, որ մօտ ժամանակներս եկել էր իր հայրենիքը, պատմեց ինձ, թէ ինչպէս երկու տարեկան հասակից իր աղջկան սկսել է սովորեցնել, որ նա իր հագուստներն ինքն կախի ցած խփած կախարանից: Ամերիկայում ապրող մի ուրիշ նորվեգիացի տիկին գրում է ինձ. «Դու չես կարող հաւատալ, եթէ ասեմ, թէ ինչպէս օգնում է ինձ իմ փոքրիկ էղգարը»: Այդ էղգարն ընդամենը 4 տարեկան էր:

Բոլորն հիանում են ամերիկացիների ինքնավատահ ընաւորութիւնից, առանց ուրիշների օգնութեան ապրելու սովորութիւնից, լայց շատ բջերն են նեղութիւն քաշում մտածելու թէ ո՞րտեղից է առաջացել այդ յատկութիւնը:

Ինչպէս յայտնի է, մանուկներն առհասարակ գործ անելու մեծ եռանդ են ցոյց տալիս. «Մայրիկ, բաս կս ի՞նչ անեմ»—յաճախ մանուկների բերանից լսում է այդ հարցը, որ շատ մայրերի յուսահատու-

Թեան է հասցնում: 4 տարեկան էրգարի մայրը այդ տեսակ մայրերից չէր: Նա առաջին անգամ տաշեղներ է կրել տալիս խոհանոց, ապա դանազան մանր յանձնարարութիւններով ուղարկում է մօտ տեղերը, պատուիրում է սեղանը գցել, հաւաքել և այլն: Եւ երեխան բաւական շուտով սովորում է կատարել այդ բոլորը լաւ, ճիշտ և ուշադիր: Մայրը պարտէզում աշխատելու ժամանակ՝ տղային յանձնարարում է մարդերը քաղհանել, սիսեռ, լոբի տնկել և այլն: 4 տարեկան մանուկը մօր հսկողութեամբ արդէն կարողանում է լաւ քաղհանել: Ինքնըստինքեան հասկանալի է որ փոքր երեխաներին բանջարանոցում չէ կարելի շատ դժւար գործեր յանձնել. օրինակ՝ նրանք կը դժւարանան դանազանել մաղդանոսի կամ գաղարի բոչբոջներն անպէտք խոտերից. բայց ծաղկանոցում շահւորակի, աստղածաղկի, էլ չենք ասում վարդի մարգերից փոքրիկ երեխաները կարող են անսխալ արմատախիլ անել անպէտք խոտերը:

Երբ կամենում էք երեխաներին որ և է բան սովորեցնել, պիտի լաւ բացատրէք և ցոյց տաք, բայց որ գլխաւորն է՝ պիտի համբերութիւն ունենաք, երեխաներին չըպէտք է յոգնեցնէք աշխատանքով, կամ թէ չըպիտի թոյլ տաք, որ իրենք աշխատանքով յափշտակուեն մինչև յոգնածութիւն:

Մեր երեխաների մէջ, դժբաղդաբար, մեծ մասամբ ինքնօգնութեան շատ փոքր ունակութիւն է նկատուում: Եւ եթէ միքանի ընտանիքներում պատահում է, որ մատաղահաս աղջիկները որոշ չափով մասնակցում

են առտնին և տնտեսական գործերին, ընդհակառակը՝ տղայ-երեխաները՝ թէ մեծ և թէ փոքր կարծես մի առանձին կատտա են կազմում. նրանց ծառայում, խնամում են ծառաները, քոյրերը, մայրերը, և տան մէջ բոլորն էլ այդ համարում են շատ բնական և օրինաւոր բան:

Ամերիկայում այդ բանը չի համարուում ամենեւին բնական և օրինաւոր: Այնտեղ պատանի պարոնն պարտաւոր է ինքն իր անկողինը հաւաքել, կարգի բերել, իր սենեակի յատակը լւանալ, փոշին սրբել, ամբողջ սենեակը կարգ ու սարքի ձգել, ապա ուսումնարան դնալ: Իսկապէս որ մի օգտակար մարմնամարդութիւն է առաւօտեան անկողինը հաւաքել, խոզանակին անցկացրած թաց շորով սենեակի յատակի վրա մի քանի անգամ անց ու դարձ անել, և այդ մի դժւար գործ չէ. այդ գործը նոյնքան հեշտութեամբ կարող է կատարել մի պատանի, որքան և մի աղախին, իհարկէ եթէ տղան այդ աշխատանքը մի քանի անգամ կատարել է մօր կամ ծառայի ղեկավարութեամբ:

Թէև Ամերիկայում սենեակների վերջաղելն երեխաների գործն է համարուում, բայց մեր կարծիքով այդ չըպիտի դարձնել մի ընդհանուր կանոն. հարկաւոր է երեխաներին սովորեցնել այդ գործն անել, որպէսզի նրանք կարողանան միշտ, երբ հարկն ստիպի, կառավարել առանց ուրիշների օգնութեան և բացի դրանից՝ իրրև մարզանք. թող այդ գործը կատարեն կիւրակի օրերը և արձակուրդներին. իսկ լի օրերը, երբ երեխաները շտապում են գնալ ուսումնարան և

նրանց համար ամեն մի ըոպէն թանգ է, այն էլ բաւական է, եթէ նրանք իրանց անկողինը ծածկեն, օգանցքը բանան և սենեակում թափթփած իրերը հաւաքեն, կարգի բերեն:

Շատ ընտանիքների առօրեայ կեանքում լինում են այնպիսի անհաճոյ օրեր, երբ, ինչպէս ասում են ընտանիքի անդամներից ոմանք, «մարդ կամենում է գլուխ առնել ու տանիցը փախչել»: Դրանք մեծ լացքի կամ ամբողջ տունը վերքաղելու օրերն են: Այդպիսի օրերում ծառան կամ տղախինը ծանրաբեռնաձ լինելով աւելորդ աշխատանքներով, տանտիկինը պարտաւորւած կատարում է ծառայի կամ տղախնու գործը, իսկ հայրը և երեխաները չեն իմանում՝ ինչ անեն, որտեղ պատսպարեն: Այդպիսի օրերն այնքան էլ անհաճոյ չէին լինի, եթէ իմանայինք և կարողանայինք օգտւել տնային գործերում երեխաների օգնութեամբ: Երեխայի համար սովորաբար այնտեղ է լաւ, ուր մայրիկն է: Շատ երեխաների համար աւելի հաճելի է մայրիկի հետ խոհանոցումը լինել, քան թէ առանց մայրիկի մանկանոցում կամ հիւրասենեակում: Իբրև ընդհանուր կանոն պիտի սահմանել, որ այդպիսի օրերում թէ տղայ և թէ աղջիկ երեխաները ոչ միայն իրանք վերքաղեն, կարգ ու սարքի ձգեն իրենց ննջարանները, այլ և սեղանը զգեն ու հաւաքեն, ամանները լանան և այլն: Սկզբում այդ գործը թող նրանք անեն մօր հսկողութեամբ, ապա անկախ՝ իրանց պատասխանատուութեամբ: Դեռահասները շուտ են սովորում ամանեղէն լանալ:

Իմ ծանօթ մի զուիցարուհի, քահանայի կին, այն կիրակի օրերը, երբ աղախինն արձակուրդով տանիցը հեռանում էր, ստիպւած ինքն էր պատրաստում ճաշը և անում տնային միւս գործեր. 13 տարեկան տղան առաւօտները օգնում էր մօրը: Մօր գոգնոցը կապած սքանչելի կերպով կատարում էր իւր գործը. նա նոյն իսկ շատ հմտութեամբ կճպում էր գետնախնձորը, նայում օջախին: Այդ մասին անա թէ մի անգամ ինչ պատմեց ինձ պատօրի կինը. «Մինչդեռ ամուսինս եկեղեցում իր ծխականների հետ հոգեշահ զրուցատրութեամբ է զբաղւած լինում, ես էլ նոյն տեսակ զրոյցներով եմ զբաղւած լինում խոհանոցում իմ որդու հետ: Դուք չէք հաւատայ, եթէ ասեմ, որ այդպիսի կիրակի առաւօտները, երբ ես և որդիս միասին մենակ ենք լինում՝ աւելի ենք մտերմանում միմեանց: Մինչդեռ խոհանոցում իբրև սրտակից շնկերներ միասին զբաղւած ենք լինում, նա ինքնաբերաբար, անկեղծօրէն սկսում է խօսել այս ինչ և այն ինչ բանի մասին, որոնց մասին ուրիշ ժամանակ ասել խօսելու առիթ չէր լինի: Այդպիսով ես ծանօթանում եմ նրա մտածմունքներին, խորհուրդներին և զգացմունքներին, և օգուում եմ այդ ցուցմունքներից՝ նրա դաստիարակութեան գործն աւելի լաւ տանելու համար»:

Նորվեգիայում ընդունւած և տարածւած դպրոցական խոհանոցները արթնացրին մատաղ կանացի սեռի մէջ մեծ չափով հետաքրքրութիւն և սէր դէպի խոհանոցի գործը և առհասարակ դէպի տնարարութիւնը: Աղջկանց համար, իսկապէս, այդ յատկութիւնը

ընածին է. այդ պարզ երևում է նրանց խաղերից. նրանց խաղերի և խաղալիքների մէջ մեծ տեղ են բռնում կերակուր պատրաստելը և խոհանոցի վերաբերեալ պարագաները: Շատ աղջիկ-երեխաների համար տիկնիկից յետոյ ամենալաւ ընծան հնոցն (ПЛИТА) է:

Տիկնիկի խոհանոցով զբաղւելուց յետոյ արդէն դժւար չէ գործ ունենալ իսկական խոհանոցի հետ, և տանտիկին ժայրը հազիւ թէ ստիպւած լինի իր աղջկան երկար բացատրելու դրա կարևորութիւնը: Խելացի ժայրը խոհանոցում միշտ կարող է գտնել և յանձնել, կատարել տալ այնպիսի մանր աշխատանքներ, որոնք նոյնիսկ փոքրահասակների ուժից վեր չեն լինի: Ի հարկէ, այդտեղ հարկաւոր է համբերութիւն և ներողամտութիւն ունենալ, որովհետև փոքրիկ թաթիկները սկզբում զարմանալի հակամէտ են ամեն բան հակառակն անելու, իսկ փոքրիկ գլխիկները չափազանց ցրւած և մոռացկոտ են: Բայց ինչ մեծ ուրախութիւն է պատճառում նրանց, երբ որևէ կերակուր աջող է գուրս գալիս. օրինակ՝ երբ բիշին մէջտեղից պատառւած չէ, երբ կոլիկը խանձւած, սկոած չէ, այլ փափուկ, հարթ ու լաւ տապակւած, ինչպէս «ժայրիկի պատրաստածն» է:

Բայց կարող են առարկել թէ դպրոց յաճախող աղջիկներն ազատ ժամանակ և յարմարութիւն չունեն խոհանոցի գործերով զբաղւելու: Ազատ ժամանակ և զէպք կը գտնուեն, միայն թէ մեծերը գիտենան առիթից օգտուել: Իրաւ է, ճաշը պատրաստում են առաւօտները, երբ երեխաները սովորաբար դպրոցումն

են. բայց չէ որ ճաշից յետոյ և երեկոյեանը տնտեսութեան վերաբերեալ դեռ շատ գործ է մնում անելու: Բացի դրանից տարւայ մէջ դպրոցական զբաղմունքներից ազատ շատ օրեր կան: Այդպիսի օրերում, մանաւանդ երբ եղանակը վատ է, խոհանոցի զբաղմունքները հաճելի և օգտակար կը լինեն երեխաներին, փոփոխութիւն մտցնելով նրանց միակերպ, սովորական կեանքի մէջ:

Փորձը ցոյց է տւել, որ այդ ձևով, կարծես խաղ ու պարով, աղջիկները բաւական մեծ առաջադիմութիւն են անում տնարարութեան մէջ, նոյնիսկ առանց զպրոցական խոհանոցների օգնութեան, իսկ երբ դրա վրա աւելանում է և վերջինների օգնութիւնը՝ առաջադիմութիւնն ուղղակի զարմանալի է: Ով ակնաստես չի եղել, դժւար թէ հաւատայ:

Ի դէպ առաջ բերենք մի քանի տող տիկին Սելմերի «Գրքոյի մատաղահաս աղջկանց համար» հեղինակութիւնից:

«Երեկ աղջիկները անտառում, գոմի ետևը, իրանց համար խոհանոց սարքեցին: Մայրս պատմում է թէ ինչպէս ինքը մի օր դառն լաց է եղել, որ ինքն ամուսնանալուց առաջ կերակուր պատրաստել չէր սովորել, և ահա խօսք տւեց իր աղջկանց առաջուց սորվեցնի, որպէսզի նրանք էլ նոյն վիշտն և ամօթանքը չըրաշեն»:

Վատ չի լինի, եթէ դեռահաս տղաներն ևս ժամանակ առ ժամանակ օգնէին խոհանոցում: Օրինակ՝ նրանք օգտակար կարող են լինել, եթէ մսածեծ մե-

քինայի և պողպաղակի կաղապարի կոթը պտըտեն,
լիցքը կտրտէին և այլն:

Մեզանում շատ քիչ է պատահում, որ դեռա-
հաս տղաները ծառայեն սեղանին: Սովորաբար, երբ
պէտք է լինում երեխաների ծառայութեանը դիմելու,
օրինակ՝ մի որևէ բան տալ, կերակուր մատուցանել
և այլն, աւելի շուտ դիմում են աղջիկ-երեխաներին.
Ի՞նչու աւելի շուտ չեն դիմում տղայ-երեխաներին:
Ձէ՞ որ նրանք աւելի ուժեղ են, բացի գրանից՝ նրանց
հազուապէս աւելի յարմար է արագ շարժելու և ա-
թոռների արանքներով անցուղարձ անելու: Այդպիսի
հանգամանքներում, երբ խօսք է լինում ծառաների
մասին, նախապատուութիւնը տրոււմ է տղամարդ ըս-
պասաւորներին. ինչ՞ու նոյն հայեացքով չառաջնոր-
դւենք և ընտանիքում:

Սեղանին սպասաւորելու համար ես շատ անգամ
հրաւիրել եմ իմ եղբոր որդիներին, և համուզել եմ,
որ դեռահաս-տղաները շատ փառաւոր կատարում են
այդ գործը: Երկար տարիների ընթացքում իմ տան
ծառան էր միայն մի պառաւ աղախին, որ սովորական
օրերում բաւականութիւն էր տալիս մեր բոլոր պա-
հանջներին, բայց երբ հիւրեր էինք ունենում, նա ա-
մեն բանի չէր կարողանում հասնել. լինելով դանդա-
ղաշարժ և ծանր լսող, խեղճը գլուխը բոլորովին
կորցնում էր: Այնուհետև այդպիսի ղէպքերում օգնու-
թեան էի կանչում եղբորս որդոցը. նրանք շատ լաւ
կատարում էին աղախնու բոլոր ծառայութիւնները,
մանաւանդ որ իրանց տանը սովոր էին այդպիսի ծա-

ռայութիւններ անելու: Մէկ անգամ սոսիթ ունեցայ
համուզելու, սր ուրիշ երկիրներում էլ այդ տեսակ օգ-
նութիւնը համարում է օրինաւոր և ընկալան:

Մէկ անգամ մեզ մօտ հիւր էր եկած մի բելգիացի
պրօֆեսոր իր կնոջ և երկու որդիների հետ: Ընթրի-
քի ժամանակ, երբ իմ եղբոր որդին կիրակուր էր մա-
տուցանում, պրօֆեսորի կինը ասաց. «Mais mon fils
sait aussi servir. Maurice, vite à son aide!» *):

Եւ 1Չ տարեկան բելգիացին վեր թռաւ աթոռից,
ձարակութեամբ անձեռոցիկն ուսովը ձգեց և սխեց
սպասաւորել մեզ բոլորիս ոչ պակաս լաւ իմ եղբոր
որդուց:

Երբ ես Անգլիա էի գնացել, այնտեղ տեսայ մի
սովորութիւն, որ կըցանկայի մեզանում մուտ գործէր:
Այնտեղ տապալանները՝ ըոստրիֆը, խոզի ապխտած
ազդը, հորթի միսը սովորաբար սեղան են բերում
չրկտրտած. կտրտում են հացի ժամանակ, և դա տղա-
մարդկանց գործն է համարում, տանտիրոջ, նրա ա-
ւագ որդու կամ թէ նոյնիսկ հիւրի: Եւ պէտք է ասեմ,
կտրտում են ամենայն հատութեամբ. և ահա թէ ին-
չու անգլիացի դեռահաս տղաներին սովորեցնում են
այդ արեստը, նրան փոփոխակի նստեցնելով տան-
տիրոջ կամ տանտիկնոջ կողքին, որոնք նրան սովո-
րեցնում են տապալաններ կտրատելու ձևը և կանոնը:
Շատ լաւ կը լինէր, եթէ մեզանում էլ դեռահաս տղա-

*) Իմ որդին նոյնպէս զիտի սպասաւորել սկսեցին, Մօ-
բիս, շուտ, օգնիք նրան:



ներին սովորեցնէին նոյնը: Նրանք ընտանիքի հայրեր
դառնալով, ժամանակով չեն թոյլ տալ կանանց կա-
տարել այնպիսի մի գործ, որ աւելի յարմար է տղա-
մարդու ուժեղ ձեռքերին: Սուր ու մեծ դանակը բո-
լորովին կանացի ձեռքի գործիք չէ:

Միջին դասակարգի ընտանիքի առօրեայ կեանքի
մէջ դեռ շատ աշխատանքներ կը գտնուեն, որ կարող են
կատարել աւելի հաւակաւոր տղաները, օրինակ՝ ա-
ծուխ կամ քարածուխ բերել վաւարանի համար, կը պ-
չանի համար տաշեղ ճղճըղել և այլն: Եւ իրաւ, ինչո՞ւ
այդ տեսակ աշխատանքը չը կատարի ուժեղ, գիրացած
պատանին, մինչդեռ աղքատ ընտանիքներում նոյն աշ-
խատանքը կատարում են նրանից աւելի փոքրահասակ
տղաները: Այդ տեսակ Ֆիզիքական մարզանքը նախ կը
մտցնի փոփոխութիւն մեր դպրոցական երեխաների
նստակեաց կեանքի մէջ և երկրորդ՝ կը զարգացնի մեր
երեխաների մէջ այն գիտակցութիւնը, թէ՛ ընտանի-
քում ամեն մի անդամ ունի ոչ թէ միայն իրաւունք-
ներ և արտօնութիւններ, այլև պարտաւորութիւններ:
Բացի դրանից տնային աշխատանքներն ունեն և այն
առաւելութիւնը, որ երեխաներին կապում են տան և
ընտանիքի հետ: Մեզանում առհասարակ ծնողներն և
երեխաները սակաւ են միասին լինում, կարծես նրանց
շահերը տարբեր լինեն: Տնային գործերում ծնողներին
օգնելը, նրանց աշխատանքներին և հոգսերին մաս-
նակցելն ամրապնդում է ընտանիքի ընդհանուր կապը:
Երեխաներին ընտանիքի աշխատանքներին մասնակից
անելը լաւ հակամիջոց է նրանց եսասիրութեան ա-

ռաջն առնելու, որի ամենազգելի արտայայտութիւն-
ներից մէկն է նրանց չափազանց պահանջկոտութիւնը
թէ դէպի իրանց ծնողները և թէ դէպի ծառաները: Ե-
րեխայի համար օգտակար է, որ նա իր հասակին և
զարգացմանը համեմատ՝ հետզհետէ ծանօթանայ այն
դժարութիւններին, որոնց դէմ ծնողները իրանց ա-
մենօրեայ ընտանեկան կեանքում կռիւ են վարում:
Բարոյապէս անարատ մանկան մէջ այդ գիտակցու-
թիւնը կառաջացնի բնական պահանջ՝ օգնել ծնողնե-
րին, իր վրա ևս վերցնելով մի մասն այն ծանրու-
թեան, որն ընկած է հօր կամ մօր վրա:

Երեխաների մասնակցութիւնն տնային աշխա-
տանքներին ունի և այն առաւելութիւնը, որ վարդաց-
նում է նրանց մէջ աչքբացութիւն, ճարպիկութիւն և
նախապատրաստում է ապագայ գործնական կեանքի:
Հաւանականութեամբ կարելի է ասել, որ հասարակու-
թեան համար օգտակար դարձած շատ անձնաւորու-
թիւնների գործունէութեան սկիզբը դրել է հէնց ըն-
տանեկան օջախից, անյայտ վաստակաւոր մօր հոգա-
ցողութեամբ: Եւ ո՞վ գիտի, թէ յաճախ մանկան հոգու
մէջ ապագայ գործունէութեան ինչպիսի օգտակար
սերմեր է ձգում որ և է սրբագրութեան ընթերցու-
մը, յօղածի արտագրութիւնը կամ գրքի մէջ հօր հա-
մար կարևոր տեղեկութիւններ որոնելը:

Ոսօք ձգելով սրբագրութիւնների, արտագրու-
թեան և այլն մասին, ես արդէն ընդլայնում եմ մա-
նուկների ընտանեկան աշխատանքներում մասնակցու-
թեան շրջանը: Բայց ես փորձով գիտեմ, որ այդ տե-

ասկ աշխատանքներն էլ զգալի օգուտ են բերում մասնուկներին: Մեր ընտանիքում չըկար այնպիսի մի գործ, որին մեզ՝ երեխաներիս՝ մասնակից չանէին: Բոլոր այդ մանր հոգսերն ու աշխատանքներն ոչ միայն մեզ հաճոյք էին պատճառում, այլ և նպաստում էին մեր մտաւոր զարգացմանը: Եւ այդ պէտք է վերագրել մեր մօրը: Նա գիտէր զարմանալի հմտութեամբ ամեն մի չնչին գործ գրաւիչ դարձնել: Մինչև անդամ մեր մշտական մուշտարիներին կաթ վաճառելը մեզ համար մի առանձին հաճոյք էր (իմ մանկութեան ժամանակ, 50-ական թւականներին, մեզանում փոքրիկ քաղաքներում միջին կարողութեան տէր մարդիկ կով էին պահում, թէ իրանց աօրեայ պիտոյքների համար և թէ իբրև մի լրացուցիչ եկամուտ): Եւ սրբան օգտակար դասեր էր տալիս մեզ մեր մայրը տնային զանազան աշխատանքներ կատարելու միջոցին. «լաւ նայիր, փրփուրը հեռացրու և չափը ուղիղ բռնիր», կամ «չափը միշտ լիքը լից և, եթէ կարող ես, մի աւելորդ կաթիլ կաթ էլ աւելացրու և այլն»:

Անա այդ տեսակ նիւթերից ըստ մեծի մասին կառուցւում է մանուկների բարոյական շէնքը. այդպիսի շօշափելի օրինակներով բարոյականութեան պատւէրներն աւելի շուտ են տեղաւորւում գիտակցութեան մէջ: Այն, ինչ որ մեզ սրբազան պատմութեան դասերի ժամանակ ուսուցանում էին, օրինակ փրկչի այն խօսքերը թէ «ինչ չափով չափէք, այն չափով էլ կը չափեն

ձեզ», գործնական բացատրութիւններ պտանում մեր ազարակում:

Այգուժը նոյնպէս մեզ յանձնում էին կատարելու զանազան աշխատանքներ: — Փորում էինք, հողը կրում, քաղում ժողովում մրգեր, պտուղներ և այլն: Այն ծնողներին, որոնք մի կտոր հող ունեն այդի ձգելու կամ բանջարանոց դարձնելու, խորհուրդ եմ տալիս անպատճառ երեխաներին մասնակից անել այդ աշխատանքներին: Շարժողութիւնն և աշխատանքն ազատ օդում ամրացնում է մարմինը, իսկ բնութեան հետ շփումը՝ զարգացնում և ազնւացնում է հոգին:

Ես հաւատացած եմ, որ ընթերցողներիցս ոմանք կառարկեն. «Այո, առաջ, հնումը, ուրիշ բան էր. այն ժամանակներում աւելի յարմարութիւններ և առիթներ կային երեխաներին մասնակից անելու աշխատանքներին»: Իսկ ես դարձեալ կրկնում եմ՝ դէպքեր և առիթներ միշտ կը գրտնւեն, միայն թէ ցանկութիւն լինի նրանցից օգտւելու: Եւ մեզանում այժմ կան այն տեսակ ընտանիքներ, որտեղ ծնողները հետևում են այն խելացի սկզբունքին թէ երեխաները կարող են և պարտաւոր են մասնակցել ընտանեկան աշխատանքներին:

Ես ճանաչում եմ մի կրթւած մարդու, որ ստանալով միայն 2,400 կրօն (մօտ 1250 ր.) տարեկան ուժիկ, նոյնպէս ձրի բնակարան, վառելիք և լուսաւորութիւն, կարողանում էր իր կնոջով և 7 որդիներով անկարօտ և վայելուչ ապրել, և այդ շնորհիւ այն բանի, որ նրա երեխաներն ընդարձակ մասնակցութիւն



1003
14737
(1313-08)

ունէին տնային ընդհանուր աշխատանքներին: Երեխաներն ստանում էին լաւ սնունդ, իրանց հասարակական գիրքին յարմար կրթութիւն և հագնուում էին վայելուչ: Երբ նրանք փոքր ինչ հասակ առան, բոլորն էլ իրանց ուժերի համաձայն մասնակցում էին ընտանեկան աշխատանքներին, և որովհետեւ միջոց չունէին որ և է օտար մարդու ծառայութիւնը վարձատրելու, ուստի իրանք էին կատարում ընտանեկան բոլոր աշխատանքները: Տղայ երեխաները փայտ էի ճղում, ածուխ տանում խոհանոցը, հագուստները մաքրում, կոշիկները սրբում, զանազան յանձնարարութիւններ կատարում, տան համար առուտուր անում. աղջիկները սենեակներն էին մաքրում-վերջաղում, մօրն օգնում կերակուր եփելու, ճերմակեղէնը և հագուստները կարկատելու, եղբայրների հետ նոյնպէս աշխատում էին այգում և բանջարանոցում. այս վերջինները հետզհետէ դարձան եկամտի աղբիւր: Չնայելով որ այդ գործերը քիչ ժամանակ ու աշխատանք չէին պահանջում, այնուամենայնիւ երեխաներից ոմանք ստացան բարձրագոյն կրթութիւն: Ծնողներն ինչ նպատակ որ դրել էին իրանց որդոց կրթութեան համար, բոլորն էլ հասան այդ նպատակին, բոլորն էլ հասարակութեան օգտակար անդամներ են դառած և ապրում են իրանց անձնական աշխատանքով:

Ես ճանաչում եմ և հարուստ ընտանիքներ, որոնք իրանց որդոցը մասնակից են անում ընտանեկան աշխատանքներին. այստեղ տնտեսական հաշիւը գեր չի խաղում, այլ այն, որ իրանց որդիքը մատող հասակից

ընտելանան աշխատանքի, սիրեն և գնահատեն նրան: Իմ ծանօթ մի հարուստ վաճառականի ընտանիքում մեծ երեխաները՝ իրանց զանազան ընդունակութիւնների համաձայն՝ օգնում են իրանց փոքր քոյրերին և եղբայրներին. որինակ՝ դեռահաս-աղջիկներից մէկն իր ճարտար մատիկներով և նուրբ ճաշակով նորոգում և զարդարում է փոքր քոյրերի գլխարկները, իւրաքանչիւր հասարակ գլխարկի համար մօրից ստանալով 20 էրէ (մօտ 10 կոպ.), իսկ ճոխ զարդարանքով գլխարկի համար 25 էրէ (12 կոպ.): Ընտանիքի «երաժշտագէտ» անդամներից մէկը իր փոքր եղբայրներին և քոյրերին դաշնամուրի վրա նւագել է սովորեցնում: Մէկ աղջիկն էլ յայտնի է իր խոհարարական տաղանդով. սա էլ իր արեւսուր գործադրում է խոհանոցում: Այդ ընտանիքի մէջ կայ և մանկավարժութեան տաղանդի ներկայացուցիչ. սա էլ կուի է մղում վատ թւանշանների գէմ, որպէսզի նրանք չըյայտնեն փոքր քոյրերի և եղբայրների յիշատակարաններում:

Դեռ էլի ինչո՞վ օգտակար կարող են լինել մանուկները ընտանիքում:—Տղայ երեխաները կարող են կատարել այնպիսի մանր աշխատանքներ, որոնց համար հրաւիրում ենք հիւսն և պատառազործ: Երեխաները սաստիկ սիրում են գործ ունենալ մուրճի, մետաղի, բուրդուի, ռանդայի և այլ գործիքների հետ. եթէ նրանք ունենան մի արկղ ամենամանրածիշտ գործիքներով և սոսինձ եփ տալու աման, և եթէ դրանց վրա աւելանայ մասամբ և հօր օգնութիւնը, երեխաները կարող են ընտանեկան տնտեսութեանը բաւական

չափով նպաստել: Իրաւ է, ներկայ կրթեած միջին դասակարգի հայրերը թէև վատ արհեստաւորներ են, բայց և այնպէս, եթէ նրանք գործին միացնեն իրանց խելքը, իսկ որդիքը՝ իրենց ձեռքերը, կրտսացւի մի օգուաւէտ գործ, որ և կուրախացնի երեխաների մօրը:

Հարկաւոր է նրան խրախուսել երեխաների հակումը սղոցելու և փայտի վրա փորագրելու: Այդ տեսակ զբաղմունքները զարգացնում են ճաշակ, արւեստի ոճերի հասկացողութիւն և մատների ճարտարութիւն, իսկ աշխատութիւնները կըծառայեն իբրև տան զարգարանը ¹⁾:

Վատ չէ, եթէ տղաներն էլ սովորեն և ասեղ գործածել, որպէսզի եթէ «հարկաւոր» կոճակը կամ ճարմանդը կորչի, կամ թէ հանդերձի որևէ այլարմար տեղը պատառւի, երբ նրանց մօտ ոչ մայր, ոչ քոյր և ոչ մի ուրիշ կին կըլինի, շարած չըման, կարողանան իրենք իրենց գլխի ճարը տեսնեն: Երբ իշխան Օսկարը (այն ժամանակ Շէէդիայի թագաժառանգը) իր կազէտ (աշակերտ) եղած ժամանակ առաջին անգամ նաւով հեռաւոր ծովագնացութեան պիտի գնար, թագուհի մայրը խնդրեց իր պալատի հանդերձապետ կանանցից մէկին՝ սովորեցնել իշխանին ասեղ գործա-

ծել, և իշխանը կարել ու կարկատել սովորեց. ծովագնացութեան ժամանակ իր հանդերձները ինքն էր կարկատում ու կարգի բերում: Եւ ահա այն բանը, ինչի մասին պարտք համարեց հոգալ թագուհին, հոգալու պարտաւոր են և միւս մայրերը:

Մանուկների մասնակցութիւնը ընտանիքի տնային աշխատանքներին ունի ոչ միայն անձնական, առողջապահական, բարոյագիտական, մանկավարժական նշանակութիւն, այլև հասարակական: Ներկայ ժամանակի հասարակական խնդիրների շարքում առաջին տեղն է գրաւում մի խնդիր էլ, այն է՝ վերջնականապէս հարթել այն անդունդը, որ կայ հասարակութեան տարրեր զասակալների մէջ: Մտքի աշխատանքի ներկայացուցիչները և ֆիզիքական աշխատանքի ներկայացուցիչները արդէն իրանց չեն համարում երկու թշնամի բանակ: «Աշխատանքի ազնուութեան» մասին յաճախ կրկնւած խօսքը արդէն պատրաստ է նրանց մէջ միութեան կամուրջ ձգելու: Սյժմ մարդուն այլևս չեն հարցնում՝ ի՞նչ է անում, այլ թէ ի՞նչպիս է անում իր գործը: Իր գործը սիրող և հմուտ արհեստաւորն այժմ նոյնքան կարող է վստահ լինել, որ իր աշխատանքը յարգւի, որքան հետախոյզ գիտնականը:

Այդ պատճառով հարկաւոր է մատաղ հասակից ներշնչել երեխային յարգանք դէպի տնային աշխատանքը: Այդ բանի համար ամենագործնական միջոցն է մանկան մասնակից անելը առտնին աշխատանքներին: Հնացած այն հայեացքը՝ թէ ֆիզիքական աշխատանքը մի ստոր գործ է, թէ չարժէ որ «պարգայցած» մարդիկ

¹⁾ Սղոցելու դէմ (ինչպէս և ճախարակային աշխատանքների դէմ) կարելի է մի առարկութիւն անել՝ սղոցածքի փոշին մասամբ վնասակար է թոքերի համար. թոյլ կուրծք ունեցողները զբանից սկսում են հազալ:

ուժ և ժամանակ գործ դնեն դրա վրա, չի յարմար-
 ւում մեր ժամանակի հասկացողութեանը և աւելի չի
 յարմարել ապագայում. ուստի անհրաժեշտ է ներշնչել
 մանկան—ապագայ տղամարդուն կամ կնոջը—ոչ մի-
 այն յարգանք, այլև սէր դէպի Ֆիզիքական աշխա-
 տանքը: Դրանով առաջն առած կրթիւններ շատ անար-
 դարութեան, վշտի և դասակարգային ատելութեան:

Եթէ երեխային վիճակւած է ապագայում իր հա-
 ցը ձարել Ֆիզիքական աշխատանքով, վատ չէ որ նա
 առաջուց հէնց ընտելանայ դրան. իսկ եթէ նրան վի-
 ճակւած է ուրիշ ասպարէզ, աւելի լաւ, թող նա ման-
 կութեան հասակից հասկացողութիւն ունենայ, թէ Ֆի-
 զիքական աշխատանքի համար որքան ուժ և ջանք է
 հարկաւոր: Օրինակ՝ այն տանտիկիներ, որ երեխայու-
 թեան և օրիորդութեան ժամանակ ինքն է կատարել
 այն աշխատանքները, որը՝ այժմ ինքն լինելով տիրու-
 հի և ընտանիքի մայր, կատարում է աղախիւնը, ան-
 համեմատ լաւ կը հասկանայ և կը գնահատի վերջինիս
 աշխատանքը, քան թէ ապարանքներում իր կեանքն
 անցկացրած օրիորդը, որն ամենևին ձեռքն աւել չի
 առել և փոշի չի մաքրել:

Ծնողներ, սովորեցրէք և ընտելացրէք ձեր երե-
 խաներին Ֆիզիքական աշխատանքի և օգնեցէք նրանց
 սիրելու այն: Դրանով դուք նրանց մարմինը կը զօրաց-
 նէք, հոգին կազնւացնէք, աւելի մարդասէր, գործնա-
 կան և անկախ կը դարձնէք. նրանք աւելի ապահովւած
 կրթիւնն «գժբախտ դիպածներէից, անսպասելի հանգա-
 մանքներէից», որոնք շատերին արգելք են լինում ձեռք

բերելու զմրուխտ-դուշը—բախտը. Խոհասարակ նրան
 բռնելը դժւար է, բայց աւելի դժւար է նրան պահել,
 ձեռքէց չըթոցնել:

Տիլ. Վ. Ալֆսիերգ

Նորվեգիացի հեղինակ տիկնոջ յօդւածին կարող
 է ծառայել իբրև մի դեղեցիկ յաւելւած կոմս Լ. Ն.
 Տօլստոյի նամակը՝ գրած իր մերձաւոր աղգական մի
 տիկնոջ: «Ես, գրում է Լ. Ն. Տօլստոյը, շատ ուրախ
 եմ, որ լուրջ խօսակցութիւն ունեցայ Ի-ի հետ (նա-
 մակազիր տիկնոջ ամուսինն է) երեխայոցը դաստիա-
 րակութեան մասին: Ես նրա հետ համաձայն եմ, միայն
 բացասական մտքով: Մենք երկուսս էլ ընդունում ենք,
 թէ որքան հնարաւոր է, պէտք է երեխաներին քիչ ուսու-
 ցանելը: Եթէ երեխաները մեծանան և սակաւ առար-
 կաներ գիտենան, այդ դեռ այնքան էլ վատ բան չէ,
 քան թէ այն ինչոր տեսնում ենք երեխաների մէջ,
 մանաւանդ այն երեխաների, որոնց դաստիարա-
 կում են մայրերը. մայրերն իրենք էլ շատ անգամ չեն
 իմանում այն առարկաները, որ սովորեցնում են երե-
 խաներին. երեխաները թոյլ են սովորում և սկսում են
 ատել ուսումը: Երեխաները կամ թէ հասակաւոր մար-
 դը կարող են սովորել միայն այն ժամանակ, երբ սի-
 րում են աւանդած առարկան: Առանց այդ սիրոյ ու-
 սումը չարիք է, սոսկալի չարիք, որ վերջ ի վերջոյ
 մարդուն բթամտութեան է հասցնում: Հաւատացնում
 եմ ձեզ, ես այս մասին չէի գրի, եթէ այս ըլորն ա-
 հագին կարեորութիւն չունենար: Ամենից առաջ հա-

լատ ընծայեցէք ձեր ամուսնուն։ Կա այս խնդրի մասին շատ խելացի հայեացք ունի։ Սովորաբար առարկում են՝ եթէ երեխաները առարկաներ չը սովորեն, հապա ի՞նչով զրաղւն։ Մի՛թէ նրանք ստիպւած պիտի լինեն գիւղացի երեխաների հետ արթուրմա խաղալու և զանազան անկարգութիւններ ու չարութիւններ անելու։ Աչքի առաջ ունենալով մեր աղայական կեանքը, այդ առարկութիւնը, ի հարկէ ունի իր հիմքը։ Բայց մի՛թէ անհրաժեշտ է երեխաներին ընտելացնել աղայական կեանքի և նրանց զգացնել տալ, թէ նրանց բոլոր պահանջները պիտի կատարեն առանց նրանց մասնակցութեանը աշխատանքի մէջ։ Եւ կարծում եմ, որ լաւ դաստիարակութեան առաջին պայմանն է, որ երեխաները հասկանան թէ այն ամենը, ինչ որ իրենց կարիքների համար անհրաժեշտ է, պատրաստ չի ընկնում երկնքից, այլ ձեռք է բերւում ուրիշ մարդկանց աշխատանքով, մարդկանց, որոնք նրանց չեն ճանաչում և չեն սիրում։ Բայց երեխայի համար դժուար է հասկանալ այս (երանի հասկանայ նա այն ժամանակ, երբ կը մեծանայ)։ Բայց նա կարող է և պարտաւոր է հասկանալ, որ աղախինը կամ դայեակը առանց որ և է հաճոյքի է լւանում նրա կեղտոտած ամա՛հղէնները, սրբում նրա կօշիկները և կրկնակօշիկները, որ նա միշտ մաքուր, կոկուած հագնում է։ Նա պարտաւոր է հասկանալ, որ աղախինն այդ անում է ոչ թէ նրան սիրելով, այլ ուրիշ, նրան անյայտ պատճառներից ստիպւած։ Եթէ երեխան իմանալով այդ, չի ամաչի, նշանակում է՝ նրա դաստիարակութեան սկիզբը շատ վատ

ճանապարհով է գնում և պիտի թողնի նրա ամբողջ կեանքի վրա խորին հետքեր։ Խուսափել այդ բանից շատ հեշտ է, և ես, որ մօտեցել եմ գերեզմանի ափին (խօսելով բանաստեղծական ոճով), խնդրում եմ ձեզ՝ թող երեխաներն իրենց բոլոր գործերն իրենք անեն։ Թող իրենք մաքրեն, վերքաղեն իրենց սենեակները, սրբեն իրենց կօշիկները, թող իրենք ջրով լցնեն իրենց լւացարանը, թող իրենք ձգեն իրենց սեղանը և այլն։ Այդ ամենը թէև թւում են չնչին, բայց հաւատացէք, որ զրանք աւելի կարևոր են ձեր սրբոց բախտաւորութեան համար, քան թէ ֆրանսերէն լեզուի, պատմութեան և այլն դիտութիւնը։ Իրաւ է, այստեղ մի գլխաւոր դժուարութիւն է առաջ գալիս։ Երեխաները սիրով անում են այն, ինչ որ անում են նրանց ծնողները։ Եւ ա՜հ թէ ինչու խնդրում եմ ձեզ, այդ բոլորը ձեզ համար դուք ինքնեզէր արէք։ Հէնց առաջին ամսից ինքներդ բաւականութիւն կըզգաք, իսկ երեխաներն էլ առաւել բաւական կըլինեն։ Եթէ այդ բոլորի վրա կաւելացնէք աշխատանքները դաշտում և բանջարանոցում, աւելի լաւ կը լինի, թէև այս վերջին տեսակ աշխատանքը յաճախ թւում է միայն հասարակ ժամանց։ Իր սեփական պահանջների մասին անձամբ հոգ տանելը, սեփական ազտտութիւնները դուրս տանելը՝ ամենալաւ կրթարաններն են։ Հաւատացնում եմ ձեզ, առանց այդ պայմանի չըկայ բարոտացնում եմ ձեզ, առանց այդ պայմանի չըկայ լաւ, թէ բոլոր մարդիկ եղբայրներ են և միմեանց հաւասար։ Երեխաների համար դեռ ևս հասկանալի է, թէ չափա-

հաս ժարդը, սեղանսու որը կամ ճախարակագործը, նը-
կարիչը կամ վերակացուն, որը կերակրում է մի ամ-
բողջ ընտանիք, պիտի ազատւի այն զբաղմունք-
ներից, որոնք խանգարում են նրան իր ամբողջ
ժամանակը նւիրելու ընտանիքը կերակրող աշխա-
տանքին: Բայց երեխաներն լինչպէս կարող են բա-
ցատրել, թէ լինչու ուրիշներն նրանց համար ա-
նում են այն, ինչ որ նրանք իրենք կարող էին անել:
Դրա միակ բացատրութիւնը կարող է լինել այն,
թէ մարդիկ բաժանւում են երկու դասակարգի, պա-
րոններ և ստրուկներ: Որքան կամենաս ճառիր մարդոց
եղբայրութեան և հաւասարութեան մասին, երեխանե-
րը չեն հաւատայ, քանի որ իրենց կեանքի բոլոր պայ-
մանները, արթնանալու բոպէից մինչև անկողին մըտ-
նելը, հակառակն են ապացուցանում: Երեխան հաւատ չի
ընծայում ձերու իններ խօսքերին, երբ նրանք խօ-
սում են բարոյականութեան մասին. նա իր հոգու
խորքում զգում է, որ այդ բոլոր ճառերը սուտ են.
Նա դադարում է հաւատալ իր ծնողների, ուսուցիչ-
ների խօսքերին և վերջի վերջոյ անհրաժեշտութիւն
չի համարում որևէ բարոյականութիւն: Մի նկատողու-
թիւն էլ:

Եթէ անկարելի է անել այն ամեն, ինչի մասին
այժմ խօսեցի, թող երեխաները գէթ գրւին այնպիսի
անյարմար պայմանների մէջ, որ զգան, թէ իրենց
գրութիւնը վատ է հէնց այն պատճառով, որ իրենք չա-
րին այն, ինչ որ պարտաւոր էին անելու: Օրինակ՝
եթէ հագուստները և կօշիկները մաքուր չեն, ուրեմն

տանից դուրս գալ չի կարելի. եթէ ջուրը բերած չէ
և ամանը չի լացւած, խմելու բան էլ չի լինի: Բոլորից
կարևորն է՝ չըվախենաք ծաղրի սուարկայ լինելուց:
Վատ վարմունքների ինը տասնորդականն առաջա-
նում է հէնց նրանից, որ մարդիկ վախենում են ծաղրի
սուարկայ դառնալուց. եթէ հակառակը արեցին:

ձեռքի աշխատանք

1879 թ-ի ամառը ճանապարհորդում էի Զւե-
ցերիալում և ճանապարհին, Ինտերլակենի և Լաու-
տերբրունենի մէջտեղը, պատահմամբ մտայ մի փոք-
րիկ խանութ, ուր մի գէր, առողջ գիւղացի վաճառում
էր զանազան սիրուն մանր իրեր:

- Օ՛հ, որքան գեղեցիկ իրեր ունէք,—ասացի ես:
- Իրըն յիշատակ գնեցէք մի բան:
- Լաւ: Բայց ասացէք, խնդրեմ, զրտեղից էք գը-
նել այս իրերը, Պարիզից:
- Հա՛, հա՛: Ոչ, այս բոլորը շինել են իմ վեց
զաւակները ձմեռայ ընթացքում:
- Մի՞թէ: Բայց լինի իրից են պատրաստել:
Սա կարծեմ, փայտից է, սա էլ ապակուց, իսկ սա
մետաղից, միւսը...
- Ի՛արից, ոսկորից, եղջիւրից,— խօսքս կտրեց գիւ-

դացին, ցոյց տալով այդ նիւթերից պատրաստած իրերը:

Ես գնեցի բաւական իրեր: Յիշում եմ, նրանց մէջ էին և ծալովի ատամնափորիչ և ականջաքորիչ, որոնք ծալելով դառնում էին զանազան սրամիտ կերպարանքներ—օրինակ՝ աղօթք անող կրօնաւոր և այլն: Տանը, ում ցոյց էի տալիս, բոլորն էլ հիանում էին:

Զւիցերիայում այդտեսակ փոքր խանութները թիւը բաւական շատ է: Այնտեղ ազգաբնակչութիւնն աւելի խիտ է քան թէ մեզ մօտ, Նորվեգիայում. բայց այնտեղ հողն աւելի պտղաբեր չէ, բացի դրանից, այնտեղ չըկան անտառներ, ծովեր և այնպիսի գետեր, որոնք կերակրում են նորվեգիացիներին, և ահա այնտեղի ժողովուրդը իր պէտքերը լրացնում է տնային արհեստներով կամ սնայնագործութեամբ: Այնտեղ այդ տեսակ աշխատանքը մինչև այսօր չի նւազել և չի կորցրել իր նշանակութիւնը, թէև արդէն սաստիկ զարգացել է գործարանական արդիւնաբերութիւնը և այժմ Զւիցերիան իր արտադրութիւններն ուղարկում է աշխարհի ամեն կողմերը:

Իսկ ի՞նչ գրութեան մէջ է այդ գործը մեզ մօտ. ի՞նչ դեր է կատարում տնային աշխատանքը մեր ընտանիքներում:

Մեր երկիրը, մանաւանդ վերջին յիսուն տարւայ ընթացքում, հետզհետէ աւելի մեծ չափերով է մասնակցում ազգերի համաշխարհային մրցութեանը, թէ գործարանական արդիւնաբերութեան, թէ հաղորդակցութեան միջոցների և թէ արտաքին առևտրի վերա-

բերմամբ: Այդ կողմից մեր ջանքերն եղել են արդիւնաւէտ—շատացել է երկրի եկամուտը, ժողովուրդն առաջադիմել է գիտութիւնների մէջ, ձեռք է բերել գործնական ընդունակութիւններ և հմտութիւն: Մինչև անգամ վայելքների այն պահանջը, որ այդ ընդհանուր առաջադիմութիւնից հետզհետէ աճում է ժողովրդի մէջ, ունի իր լուսաւոր կողմերը: Շատ տեղերում կիսաքաղց ապրուստին փոխարինել է աւելի բարեկեցիկ կենցաղավարութիւն: Միայն ափսոս, որ պահանջներն աւելի արագ են աճել, քան թէ այդ պահանջներին բաւարարութիւն տւող ընդունակութիւններն ու հմտութիւնը:

Երկրի արդիւնաբերութիւնը աճելով, հետզհետէ արհամարհանքի է մատնւել և իր անկմանը մօտեցել նրա ամենակարեւոր մի ճիւղը, սնայնագործութիւնը:

Գործարանական խոշոր արդիւնաբերութեան հըսկայական զարգացումը յանկարծակի բերեց, շժմեցրեց մանր տնայնագործին. նա յուսահատւած իրեն անգործութեան մատնեց: Գործարանների արդիւնաբերած առարկաների աժսնութիւնն անշահաւէտ և անկարեւոր դարձրին ձեռքի արտադրութիւնը թէ սեփական կարիքների և թէ վաճառքի համար:

Միայն մի հանգամանք աչքաթող է բւուում, այդ այն է, որ ամենից անշահաւէտը ոչինչ չստանալն է. մոռացութեան է տրւում, որ գործարանի մեքենայական աշխատանքն ամենևին մրցակից չի կարող լինել ձեռքի տնային աշխատանքին, որ տնային ձեռքագործ իրերը շինւում, գործւում են մարդուն ապրուստ հայ-

Թայթող գլխաւոր աշխատանքից ազատ ժամերում: Որքան էլ աժան լինին գործարանական ապրուսեքները, ազատ ժամերում իր ձեռքով շինածը, գործածը աւելի աժան կընստի, որովհետեւ հում նիւթը մեծ մասամբ համարեա ոչինչ չարժէ: Մոռացութեան է տըրւում և այն, որ շատ գործերում կենդանի ձեռքը կը պահպանի իր գերազանցութիւնն ամեն տեսակ մեքենաներից:

Զանազան կատարելագործութիւններից մեծամեծ ակնկալութիւններ ունէին թէ գիւղատնտեսութեան և թէ արդիւնարբերութեան միւս գլխաւոր ճիւղերում. այդ ակնկալութիւններից մի քանիսն իրագործւեցին, և անա այնուհետեւ ծալեցին մէկ կողմ դրին «փոքր, անշահաւէտ ձեռքի աշխատանքները»:

Այս և ուրիշ պատճառներից՝ շատ ժամեր, որ առաջ աշխատանքի էին նւիրւած, դարձան դատարկապորտութեան և անգործութեան ժամեր, և սրանից ուղղակի մեծ վնասներ հասան, ծախսերը բազմացան, իսկ եկամուտները նւազեցին: Կէս դար է, որ տնայնագործութիւնն աստիճանաբար ընկնելով, նրա միջանի ճիւղերն իրենց անկման վերջին սահմանին են հասել:

Էլ չեմ խօսում, թէ ներկայում մեզ մօտ որ աստիճան ընկած է տնայնագործութիւնը, համեմատելով հին ժամանակների հետ, երբ, թէև տնային ձեռքի աշխատանքի արտադրութիւնը գլխաւորաբար ծառայում էր ընտանեկան օջախի համեստ պահանջներին, բայց և այնպէս շատ ճիւղերում հասած էր գերագոյն աստի-

ճանի: Տնայնագործութեան մեղ հասած հին նմուշները, խալիները, քանդակները և պէսպէս զարդարանքները, վկայում են, թէ հին ժամանակներում ընտանեկան օջախում ծաղկում էր վսեմ գեղարւեստ, թագաւորում էր կիրթ ճաշակ. գիտէին օգտել օտար նմուշներից, չըղաւաճանելով իրենց ինքնուրոյնութեան, ազգայնութեան և գեղարւեստին:

Բայց կասեն. միթէ խոշոր աշտոլութիւններն արդիւնաբերութեան միւս ճիւղերում չեն լրացնում այդ անկումը. օրինակ՝ գիւղատնտեսութեան առաջադիմութիւնը միթէ այնքան մեծ չէ, որ մոռացութեան տրւեն այն վնասները, որ առաջացել են տնայնագործութեան անկումից:

Կարծում եմ, որ ոչ: Այդ վնասներն այնքան նշանաւոր են, որ տնայնագործութեան անկումը պիտի համարենք իսկական ազգային մի դժբախտութիւն:

Նախ՝ իրուր կորչում է ազատ ժամանակը և զարգանում է դատարկապորտութիւնը, որ միջանի տեղերում և տարւայ որոշեալ ժամանակներում ուղղակի հասնում է զարհուրելի չափերի, իր բոլոր ցաւալի հետեանքներով, հէնց միայն այս բաւական մեծ վնաս է:

Այնուհետեւ, արհամարհանքը դէպի տնայնագործութիւնը. թոյլ չի տալիս մատաղ սերնդին աշխատանքի նախապատրաստւելու: Այժմ շատ է այնպիսի գիւղացիների թիւը, որոնք հազիւ թէ կարողանան իրանց համար շինել աւել, հասարակ կացին, փոցխի կոթ կամ թէ կարկատել գութանը, տափանը և այլն. իսկ աւելի շատ է միւս դասակարգերի մէջ

այնպիսիներէ թիւը, որոնք մինչև անգամ անկարող են լինում վարագործի մի հասարակ կեռ խփել պատին և դրա համար վարպետ են կանչում, մինչդեռ այդ տեսակ ամենահասարակ գործերի համար հարկաւոր է միայն վարժութիւն, ձեռքի ճարպիկութիւն: Եւ միթէ ամօթ չէ, որ մեր երիտասարդ գիւղացիները իրանք իրանց ոտնամանները կարկատել անգամ չըզգիտեն:

Պիտի աւելացնեմ այս բոլորի վրա և այն, որ տնային արհեստների անկումն ազդել է և փողովորդի ճաշակի վրա: Յաւում է մարդ, երբ տեսնում է՝ սրբան պակասել է փողովորդի մէջ գեղեցիկ ձևերի, նաշխերի, գոյների զուգորդութեան նախկին նուրբ հասկացողութիւնը: Հազարաւոր ընտանիքներ կորցրել են նախկին սրտաբացութիւնը, յարմարաւորութիւնը, դարձել են չոր, լերկ և անկենդան: Մեծ մասը այն գեղարեստական բնորոշ զարգարանքների, որոնք հնումը շքեղութիւն էին տալիս տան ներքին կահաւորութեանը, այժմ տարւած է արտասահման կամ թէ որոնւում է թանգարանների համար վերնայարկի քունջերում կամ նկուղներում:

Եւ վերջապէս տնային արհեստների անկումը սերտ կապւած է առանձին ընտանիքների և ամբողջ նահանգների բարեկեցութեան անկման հետ: Այդ արդէն ամենամեծ վնասն ու կորուստն է, որ ծանրանում է ամբողջ երկրի վրա և առաջացնում է ցաւալի հետևանքներ:

Բարեկեցութեան այդ անկումն աւելի պարզ աչքի է ընկնում, ի հարկէ, գիւղական կեանքում, մասնա-

ւանդ մանր տնտեսութիւնների մէջ, որոնք մեր ժողովրդի մեծամասնութիւնն են կազմում:

Ինչպէս յայտնի է, դիւղական ընտանիքների ահագին մեծամասնութիւնը խրատ է պարտքերի մէջ: Նրանց բարեկեցութեան անկումը թերևս որոշեալ չափով կախումն ունի պահանջների չափազանց աճումից, բայց և այնպէս համոզւած եմ, որ գլխաւոր պատճառը տնային արհեստների չքանալն է: Այդ ատոււմ եմ՝ հիմնւելով իմ անձնական դիտողութիւնների վրա. միջին կարողութիւն ունեցող այն գիւղական ընտանիքներում, որ ես հանդիպել եմ, տնային աշխատանքը միշտ մեծ չափով ծաղկած է եղել. այդ աշխատանքը ծառայելիս է եղել գլխաւոր երկրագործական աշխատանքին իբրև օժանդակ միջոց:

Այս վերջին տարիներում բարեբախտաբար շատ տեղերում նկատոււմ է ետադարձ ձգտում, որ յոյս է տալիս, թէ կըգան լաւագոյն ժամանակներ: Նախ և առաջ կըթւած դասակարգը, որ բաւականանում էր միմիայն մտքի միակողմանի զարգացմամբ և բարձրից էր նայում հասարակ ֆիզիքական աշխատանքին, այժմ վերջապէս հասկացել է ձեռքի աշխատանքի դաստիարակչական, բարոյական, հասարակական եւ սեփական վե՛ նշանակութիւնը: Այդ նոր հայեացքի հետևանքն այն է, որ կառավարութիւնը և հասարակութիւնը միահամուռ ուժերով զպրօցների մէջ մտցրին ձեռքի աշխատանքներ, ձեռարւեստը ¹⁾, բացին կանանց համար

¹⁾ Այդ մասին Նորվեգիային առաջին օրինակը ցոյց տուեց Դանեմարկան, որտեղ ձեռարւեստը, այսինքն՝ սլոյզը՝ վաղուց

արհեստաւորաց դասընթացներ, կազմեցին տնայնագործական արհեստները խրախուսող «միութիւններ»։ Այդ միութիւնները բացին ձեռարկեստի ժողովրդական դպրոցներ, զանազան արհեստաւորաց դասընթացներ, երեխաների համար աշխատանքի ապաստարաններ, տնայնագործական ապրանքները վաճառելու համար խանութներ։

Ահա այն բոլորը, ինչոր արւած է առայժմ արդիւնաբերութեան այդ կարևոր ճիւղի համար։ Թէև առաջին հայեացքից այդ կարող է մեծ առաջադիմութիւն թւալ, բայց իսկապէս շատ բան չէ 2½ միլիոն ազգաբնակչութեան համար, որից մօտ մէկ միլիոնը ջրւած է ընդարձակ, միմեանցից հեռաւոր տարածութիւնների վրա։ Յեղաշրջել նորից միանգամից մի ամբողջ ժողովրդի կենցաղն և հայեացքը աշխատանքի վրա՝ մի հսկայական գործ է, որի իրագործման համար հարկաւոր են շատ ժամանակ և եռանդ։

Նւ այստեղ էլ, ինչպէս միշտ և ամեն տեղ, ուր աչքի առաջ ունենք ժողովրդի բարիքը, պիտի ընդունենք, որ նպատակի համնելու համար անհրաժեշտ է սկսել մտնուկներից և պոսանիներից, ժողովրդի և երկրի ապագան նրանց մէջ է։ Ինքն ըստինքեան էլ հասկանալի է, որ գլխաւոր և առաջին պարտականութիւնը ընկնում է ծնողների վրա։

Բայց հէնց այստեղ էլ արգելք է հանդիսանում

մուծւած է դպրոցական ծրագիրների մէջ, իբրև կրթական-գաստիարակչական առարկայ։

այն հանգամանքը, որ ծնողներն և ընտանիքի միւս չափահաս անդամները իրենք չեն զբաղւում այն տեսակ ձեռքի աշխատանքներով, որոնց մասին է այստեղ մեր խօսքը, ուստի և չեն կարողանում հարկաւոր օրինակը ցոյց տալ երեխաներին։ Բայց և այնպէս կարելի է շատ բան անել, եթէ ծնողները լրջութեամբ ըմբռնեն գործի էութիւնը և դրդեն ու խրախուսեն իրենց զաւակներին՝ ազատ ժամերին զբաղւելու ձեռքի աշխատանքով։

Երկու սեռի երեխաներն ու պատանիներն ևս պիտի վարժեն ձեռքի աշխատանքի մէջ թէ դպրոց մտնելուց առաջ, թէ դպրոցում՝ ուսման ժամանակ և թէ դպրոցական կրթութիւնը վերջացնելուց յետոյ։

Մինչև 7 տարեկան հասակն կարելի է արդեօք երեխաներին ձեռքի աշխատանքով զբաղեցնել։—Ո՛չ միայն կարելի է, այլև հարկաւոր է. որովհետև նրանց ուժերից վեր չէ կատարել ֆիզիքական ձեռքի աշխատանք։ Ասւած է «ճիւղը մատաղ ժամանակ կը ձկեն», և երեխաներին էլ վաղ պիտի ընտելացնել կանոնաւոր զբաղմունքների, թէ նրանց մէջ աշխատանքների ընդունակութիւնները զարգացնելու և մարզելու և թէ նրանց ձանձրոյթից ազատելու համար։ Չանձրոյթն ամենափլասակար «զբաղմունքն» է։ Արդէն ծնողների և դաստիարակների գործն է գտնել երեխաների ուժերին համապատասխան յարմար աշխատանքներ, պատշաճաւոր կերպով նրանց կարգաւորել-դասաւորել, մատակարարել աշխատանքի համար հարկաւոր պիտոյքներ։ Երեխաներին պիտի հասկացնել, որ այդ գործը ոչ թէ

«ժամանակ անցկացնելու» համար է, այլ մի օգտակար և ուշադրութեան արժանի աշխատանք է:

Մեծ և փոքր երեխաներին համապատասխան յարմար աշխատանք տալու խնդիրը, ի հարկէ, տարբեր է լուծուում քաղաքի կեանքում և տարբեր գիւղական շրջանում:

Քաղաքի կեանքի պայմաններն այդ խնդրի լուծումն աւելի դժւարացնում են: Քաղաքացի, մանաւանդ բանուոր դասակարգի՝ ծնողների համար դժւար է զբաղեցնել թէ փոքր երեխաներին և թէ միևնոյն ժամանակ յարմար զբաղմունքներ տալ զեռահասաներին, որոնք փոխանցական հասակում են: Այդ տեսակ դեռահաս պատանիները սովորում են իրենց ազատ ժամանակի մեծ ժամանակ անցնել բոլորովին պարապ, որով նրանց ժամանակ անցկացնելը պատշաճաւորութեան և բարեկրթութեան սահմանից դէն է անցնում: Եւ անհայտեղ հասարակութիւնն և ընտանիք մեծ գործ ունեն կատարելու:

Ընտանիքների մէջ պէտք է մտցնել ձեռքի աշխատանք, և հասարակութիւնը պիտի նպաստի այդ գործին, նա պիտի հիմնի երեխաների համար աշխատանքի սպասարաններ և զանազան արհեստագիտական դպրոցներ:

Գիւղում երեխաների համար անհամեմատ աւելի շատ տեսակի աշխատանքներ կան, քան թէ քաղաքում, և աշխատանքի ընդունակ երեխաների համար կայ ընդարձակ ասպարէզ. այդ պատճառով աշխատանքի գործադրութիւնն երբեմն չափազանցութեան է հասնում,

երեխաները աշխատում են հաւասար հասակաւոր մարդոց: Այդպիսի հանգամանքներում ինքնասէր երեխաները կարող են իրանց վնասել: Եւ չըպէտք է մոռանալ, որ ամեն տեսակ աշխատանք հաւասարապէս օգտակար չէ երեխայի համար, նա կարիք ունի զարգանալու և Ֆիզիքապէս, և հոգեպէս, վերջապէս զարգանալու բազմակողմանի: Շատ օգտակար է երեխային ստիպել այս և այն կողմը վազվզել, կատարել զանազան յանձնարարութիւններ. այդ զարգացնում է նրա մէջ արագաշարժութիւն, աչքաբացութիւն, շրջանկատութիւն, իր միտքը բացատրելու կարողութիւն: Օգտակար է նոյնպէս երեխաներին մասնակից անել տան և տնտեսութեան վերաբերեալ գործերին, իբրև օգնական հասակաւորներին, այդ տեսակ գործերն երեխայի մարմինն ամրապնդում և նրան աշխատանքի յարմարաւոր են դարձնում: Բայց այդ տեսակ աշխատանքների մէջ այնպիսիները, որոնք մտքի գործունէութեան հետ չափազանց սակաւ առնչութիւն ունեն, նրանք կատարում են մեքենայաբար, և եթէ այդտեսակ աշխատանքները գերիշխող լինեն մանկան կեանքի մէջ, նրա վրա բլթացնող ազդեցութիւն կունենան: Չափազանց մեքենայական աշխատանքը մանկանը թէ հաճոյք չի պատճառում և թէ չափազանց քիչ նշանակութիւն ունի իբրև դաստիարակչական և կրթական միջոց, որովհետև միաժամանակ չի նպաստում նրա Ֆիզիքական և հոգեկան ընդունակութիւնների զարգացման, չի պատրաստում երեխային ժիր և ընդունակ մարդ դուրս գալու: Եթէ պատահում է որ հասարակ անուս բանուորը

խէթ-խէթ և մինչև անգամ նախանձոտ ատելութեամբ է նայում մտքի աշխատանքի ներկայացուցչի վրա, համարելով նրան ճրիակեր, այդ տեսակ վերաբերմունքի պատճառը, անկասկած, այն է, որ բանուորին չեն սովորեցրել իր աշխատանքի մէջ միտք և հոգի մտցնելու, այլ թոյլ են տւել որ նրա մէջ զարգանայ միայն կոշտ ֆիզիքական ոյժը: Եթէ երեխաներին մանկութիւնից ուսուցանեն այնպիսի ձեռքի աշխատանք, որ նրանց մէջ զարգացնի ոչ միայն ֆիզիքական ոյժ և ճարպկութիւն, այլ և՛ միտք, և՛ ճաշակ, այդ բանը կաղատի նրանց նեղ հայեացքներից, իսկ այդ էլ, միւս կողմից, կընպաստի դասակարգերի մէջ աւելի լաւ յարաբերութիւնների հաստատւելուն, փոխադարձ հասկանալուն և յարգելուն:

Փորձից գիտեմ, կան ծնողներ, որոնք նիւթական հաշիւներից զբազմ՝ երբեմն մանկան աշխատաքն իջարն են գործդնում. նախազգուշացնում եմ այդ բանից: Ի՞նչու է, պատահում է, որ հանգամանքներն են ստիպում երեխայի աշխատանքի օգնութեանը դիմել, բայց յամենայն դէպս, կարելի է և անհրաժեշտ է, իջարը գործ չըդնել այդ. ում համար որ երեխաների ապագան թանգ է, նա մի կերպ հնար կըգտնի անցողական կարիքներից գլուխ հանելու, որպէսզի ընդմիջտ չըվտանգի զաւակների ապագան:

Այն աշխատանքների շարքում, որոնք բացի ֆիզիքական ճարպիկութիւնից՝ երեխաների մէջ զարգացնում են միտք և երեւակայութիւն ու միևնոյն ժամանակ նրանց հաճոյք են պատճառում՝ առաջին տեղը բռնում է սլոյդը—ձեռարւեստը, այդ խօսքի ամենաընդարձակ նշանակութեամբ:

Դաստիարակչական և կրթական նպատակով շատ օգտակար են նոյնպէս մի քանի աշխատանքներ պարտէզում, բանջարանոցում և բակում. սրանք շատ սովորական են գիւղական կեանքում: Այդտեղ թէ՛ ձեռքի թէ՛ մտքի համար շատ աշխատանքներ կան, օրինակ՝ պարտէզը հարթել և շաւիղներ բանալ, ցանել, տնկել, հողս ու խնամք տանել:

Այդպէս ուրեմն երեխաներին կարելի է աշխատանքի ընտելացնել աւելի վաղ հասակից, քան թէ շատերը կարծում են: Ձեռքի և մտքի օժանդակութիւն պահանջող աշխատանքը հարկաւոր է շարունակել և այն ժամանակ, երբ երեխաները կըմեծանան: Այսպէս վերաբերելով ձեռքի աշխատանքին՝ անհամեմատ մեծ օգուտ կըբերենք թէ՛ առանձին մարդոց և թէ՛ բոլոր հասարակութեանը:

Բայց կրկնում եմ թէ աւխաստանները և թէ գործիքները խիստ համապատասխան պիտի լինին երեխաների հասակին և զարգացման:

Մի կողմ թողնելով գուտ երեխայական այն աշխատանքները, որոնք իրանց բնաւորութեամբ մօտենում են աւելի խաղի, օրինակ՝ թղթից ձևեր կտրատել, կպցնել, ներկել և այլն, իւրաքանչիւր ընտանիքում կըգտնւեն բազմաթիւ մանր աշխատանքներ, սկսած տաշեղներ ձգձղելուց մինչև ընտանեկան առօրեայ կեանքում գործածական զանազան փոքր ու մեծ առարկաներ նորոգելը, կարկատելը և շինելը:

Երեխաներին առիթներ պիտի տալ օգուտելու աշխատանքի համար պահանջած գործիքներից, ոչ թէ

գործիքներն փականքի տակ դնել և թաքցնել, ինչպէս յաճախ անում են այն անհիմն պատճառաբանութեամբ՝ թէ «երեխաները փչացնում և կորցնում են»: Ծնողների պարտաւորութիւնն է երեխաներին ընտելացնել կարգ ու կանոնի և ճշտութեան. նրանք պիտի հսկեն, որ երեխաները խնամքով պահպանեն, ժողովեն և իրանց տեղը դնեն այդ գործիքները, երբ այլևս պէտք չեն. իսկ ասենք թէ այս կամ այն գործիքը կորցրին կամ փչացրին, ինչ փոյթ, երեխաների ապագան աւելի թանգ է, քան թէ որ և է բուրգու, դուր կամ այդպիսի մի ուրիշ գործիք:

Կան այնպիսի ծնողներ էլ, որոնք ուղղակի արգելում են երեխաներին այդ տեսակ աշխատանքով զբաղելու երկիւղ կրելով, չըլինի թէ նրանք ձեռքը, ոտքը կամ մի որևէ տեղը կտրեն-վնասեն: Այնքան էլ մի մեծ դժբախտութիւն չէ, եթէ մէկ-երկու անգամ՝ պատահի ձեռքը կամ ոտքը վնասեն (իհարկէ ոչ սաստիկ), այնուհետեւ կըսովորեն զգոյշ լինել:

Եթէ աղջկանց կրթելու լինենք ընդունւած սովորական ձևերով, սկզբում կարիք չի լինի նրանց համար առանձին գործիքներ և նիւթեր ձեռք բերելու. բաւական է, եթէ նրանք ունենան կարելու և գործելու ասեղներ, մատնոց, թել, մկրատ, լաթի և գործւածների կտորտանք: Աւելի ուշ նրանց համար հարկաւոր կըլինեն թանգագին և բարդ գործիքներ, ինչպէս են՝ կարեմեքենայ, գործելու և ոստայնանկութեան քարգայ և այլն, սկզբում փոքր դիրքով, իսկ յետոյ աւելի մեծ:

Աւելի հասակաւոր աղջիկները տնային սովորական

գործերում մասնակցելու համար, այն է՝ կերակուր պատրաստելու և տունը հաւաքելու և այլն, ոչ մի առանձին գործիքի պէտք չունեն, իսկ փոքրահասակների համար յարմար են աւելի փոքր գործիքներ, քան թէ ընտանիքում գործածուած են:

Եթէ միջոցները ներում են, լաւ կըլինի, եթէ նրանք ունենան առանձին փոքր հնոց իր պարագաներովը, որի վրա կարելի լինի իսկական կերակուրներ պատրաստել. իսկ եթէ միջոցները չեն ներում, պէտք է թոյլ տալ, որ նրանք կերակուր պատրաստեն սովորական հնոցի վրա, և ամենևին չըվրդովել, թէ կըթափթփեն, կըկեղտոտեն. միայն աչքի առաջ ունենալով, որ ամեն տեսակ գործ զարգացնում է երեխաների աշխատելու ընդունակութիւնները:

Բացի դրանից՝ մայրերը պիտի հսկեն իրանց աղջկանց դպրոցական գործնական պարագաների վրա՝ ընտանեկան վարժութեամբ դպրոցում նրանց ուսածը աւելի ամրապնդելու և զարգացնելու: Մայրերի այդ տեսակ վարժուցքը կըստիպի աղջկանց աւելի շատ ու աւելի լաւ հասկանելու, թէ այն, ինչ որ իրանք սովորում են, մի կարևոր և օգտակար բան է կեանքի համար:

Վերջին ժամանակներս սկսել են աղջկանց սովորեցնել և այնտեսակ արհեստներ, որոնք առաջ վերապահւած էին միայն տղաներին, օրինակ՝ կօշկակարութիւն, կազմաւարութիւն, զամբիւղագործութիւն, փայտի փորագրութիւն, խաղալիքներ շինել և այլն:

Ամեն մի ջանք կանանց աշխատանքի շրջանակն ընդլայնելու, իհարկէ աչքից բաց չըթողնելով նրանց

Ֆիզիքական ուժերը ուրախութեամբ պիտի ողջունենք:

Սլոյդով պարապելու սկզբնական գործիքները բաւականին պարզ և աժան են. հարկաւոր են՝ դանակ, մուրճ, արջան, սղոց, բուրդու, խարտոց, դուր, ռանդա: Յանկալի է որ հետզհետէ այդ գործիքների թւին աւելացւին և ուրիշ գործիքներ՝ մանաւանդ ատաղձագործութեան վերաբերեալ, ճախարակ և այլն: Շատ ցանկալի է նոյնպէս, որ այդ տեսակ աշխատանքների համար յատկացրած լինի առանձին սենեակ, բայց այնտեղ, ուր հանգամանքները թոյլ չեն տալիս, կարելի է զբաղւել և սովորական սենեակում. այդ պարագայում մեծ գործնական յարմարութիւն ունի սլոյդի ուսուցիչ Տեօնեսէնի հնարած դաղգեահը, որը հարկաւոր դէպքում արագ կարելի է դարձնել գրասեղան կամ սովորական սեղան:

Շատ օգտակար է որ տղաները զբաղւեն և դարբնութեամբ: Փայտէ պարագաներ շինելու ժամանակ հարկ է լինում գործ ունենալ և մետաղի հետ, ուստի անհրաժեշտ է հաւասար չափով ուշադրութիւն դարձնել և դրա վրա, որ նոյնպէս հետաքրքիր և օգտակար գործ է: Կարճ ժամանակամիջոցում յաջողում է լաւ հետևանքի հասնել: Որ և է մեխ կռել և պատրաստել մի դժւար գործ չէ:

Վնասակար չէ վարժեցնել և սոււարաթղթից իրեր պատրաստելու, մի բան, որը մանաւանդ օգտակար է քաղաքում ապրող փոքր երեխաների համար: Այդ աշխատանքների նիւթերը և գործիքները շատ հասարակ և պարզ են, և եթէ աշխատանքները զեկավար-

ւում են խալացի կերպով, մատները իւրացնում են ճարպիկութիւն և մաքրասիրութիւն:

Վատ չէ, եթէ երեխաներին թոյլ տրւի և ջրաներկերով ու իւղաներկերով նախշելու: Եթէ երեխային առաջնորդեն, նա շուտ կը մըռնի ներկեր բանալու և խառնելու գաղտնիքը, կը սովորի նրանց գործադրել: Տնային զանազան հասարակ առարկաների ներկելը հէնց առաջին անգամից մեծ հրճւանք է պատճառում փոքրիկ նաշխարարին. այդ տեսակ աշխատանքը ժամանակով նրա մէջ կը զարգացնի ներկերի՝ հասկացողութիւն և ճաշակ:

Պարտէզում և բանջարանոցում աշխատելու համար լաւ կը լինի, եթէ երեխաներն ունենան իրանց ուժերին յարմար թեթև գործիքներ՝ փոցխեր, թիակներ, ձեռքի սայլակներ և այլն: Անձնական փորձով գիտեմ, այդ միջոցով սակաւ ուժ գործադրելով՝ մեծ արդիւնք է ստացւում: Այդ տեսակ աշխատանքն աւելորդ տեղը չի յոգնեցնում երեխային, այլ ընդհակառակը՝ ուրախացնում է և նրա մէջ զարգացնում հոգեկան կորով:

Ամեն կերպ պիտի ջանալ ընտանիքների մէջ մըտցնել և արմատացնել ձեռքի աշխատանքը: Մեծ է նրա նշանակութիւնը տնտեսակաւ և գաստիարակչական կրթական, ֆիզիքական և մտաւոր կողմից: Մանուկ հասակից ձեռքի արհեստներ սովորած սերունդը՝ մեծանալով կը լինի աւելի ուժեղ, ճարտար, ժիր, աչքաբաց, ճշտապահ, համբերող, աշխատասէր և բարոյա-

վան. նա աւելի սերտ կապւած կըլինի ընտանեկան օջախի հետ և կուեննայ արեւի կիրթ ճաշակ: Նա խօսելու, դատելու, օգտակար ժամանակ անցկացնելու նիւթ կուեննայ, և ոչ թէ դատարկապորտութիւնից ստիպւած կըզբաղի քաղաքի կամ գիւղի բամբասանքներով:

Մատաղ սերունդն իր աշխատանքով նպաստելով ընտանեկան օջախի բարեկեցութեան և զբաւելութեան, անկասկած՝ ինքն ևս աւելի սերտ կը կապի այդ օջախի հետ: Ընտանիքի անդամների միահամուռ մասնակցութիւնն ընտանեկան օջախը շէն պահելու գործին աւելի սերտ կապով կը միացնի նրանց միմեանց հետ. դրա հետեանքը կըլինի առհասարակ սէր դէպի ընտանիքը և դէպի հայրենիքը:

Տնայնագործութեան կտրւոր նշանակութիւնը հաստատում են և վիճակագրական տեղեկութիւնները: Նրանցից կարող ենք եզրակացնել, որ այդ տեսակ աշխատանքի զարգացման և առաջադիմութեան հետ սերտ կապւած է առանձին ընտանիքների և ամբողջ համայնքների բարեկեցութեան աճումը:

Չըկարծէք թէ խօսքս մի աննշան խնդրի մասին է: Ո՛չ: Երեխայի աշխատանքն ևս կարող է նշանաւոր արդիւնք առաջ բերել: Ես անձամբ ճանաչում եմ մի պատանու, որ 13 տարեկան հասակից սկսած իր ազատ ժամերին պատրաստում էր զանազան գեղեցիկ առարկաներ և դրանով տարեկան վաստակում էր 400 կրօն (200 ր.): Ճանաչում եմ և հասակաւոր գիւղացիների, որոնք դաշտային և այլ գիւղատնտեսական գործերից

ազատ ժամերում տնայնագործութեան աշխատանքով վաստակում են աւելորդ 300—600 կրօն (150—300 ր.): Այն ընտանիքներում, որոնց թէ մեծ և թէ փոքր անդամները զիտեն այդ ձևով օգտուել իրանց ազատ ժամերից, ընտանիքի եկամուտները նշանաւոր չափով աճում են:

Այն նահանգներում, ուր հողն անբերբեր է, կըլիման խիստ և ձմեռւայ երեկոնները երկար, ուր երկրագործական աշխատանքները համարեա կէս տարի կանգ են առնում, այնտեղ գիւղական կեանքում տնային ձեռքի աշխատանքը կարող է և պէտք է ունենայ ընդարձակ գործադրութիւն:

Որքան ճնարաւոր է սակաւ պէսք է ունենալ ուրիշի աւելասանք, ըստ կարելոյն կառավարել իր սեփական ուժերով. այս խօսքերը նշանաբան պիտի լինեն իւրաքանչիւր գիւղացու համար:

Բայց ինձ կարող են առարկել, թէ աւելի լաւ չի լինի՞ հիւսնութեան, ատաղձագործութեան, դարբնութեան աշխատանքները թողնել մասնագէտ արհեստաւորներին, իսկ գիւղացին հմուտ մասնագէտ դառնայ միայն իր գործում, երկրագործութեան մէջ:

Այդպէս են վարել մինչև այժմ, և ահա հատուցումըն էլ ստացան: Փորձը ցոյց տւեց՝ սակաւահող գիւղացիները, որ մեր գիւղացիութեան ահագին մեծամասնութիւնն են կազմում, շատ սուղ նիւթական միջոց ունեն. նրանք չեն կարողանում գնել տնային առօրեայ կարիքների համար զանազան առարկաներ և գիւղատնտեսական գործիքներ, իսկ օտարերկրեայ ապ-

ըանքներ ձեռք բերելու մասին ինչ խօսք կարող է լինել:

Աշխատանքի բաժանումը միևս դասակարգերի համար մեծ առաւելութիւններ ունի, իսկ գիւղացիների համար ընդհակառակը՝ ֆլասակար է: Անհրաժեշտ է, որ գիւղացին ինքն լինի և՛ հիւան, և՛ ատաղձագործ, և դարբին, և՛ ներկարար և այլն, որպէսզի մոլորած ու շւարած չըմնայ, երբ կոտրւեն կամ փչանան գնած գործիքները, մանաւանդ երբ գրպանը դատարկ է: Եւ վերջապէս վատ չի լինի տնտեսել միքանի աւելորդ կողպէի: Իսկական տնայնագործական աշխատանքը կօգնի նրան վաստակել աւելորդ կողպէիներ: Սակաւահող գիւղացին զբաղելով տնայնագործական աշխատանքով, աւելի շուտով կարող է իր նիւթական վիճակը բարելաւել, ետ ձգել մի գումար, միկնոյն ժամանակ չըհեռանալ իր տուն ու տեղից, ինչպէս այդ լինում է, երբ ձմեռը նա հարկադրւած գնում է գործարան կամ գրասի մի որ և է աշխատանքի:

Բայց բոլոր դասակարգերի համար ևս արդեօք կարևոր է ձեռքի աշխատանքը:

Ձեռքի աշխատանք սովորելն ունի՞ արդեօք էական նշանակութիւն և նրանց համար, որոնք իրանց ապրուստը պիտի հայթայթեն մտաւոր աշխատանքով:

Այդ հարցումների պատասխանն ըստ ինքեան հետևում է վերև յիշածից: Մարդս ինչ վիճակում որ էլ լինի, աշխատանքը նրա համար պէտքական եւ կարեւոր է:

Ձեռքի աշխատանքը նախ՝ իւր ֆիզիքական կողմով մտաւոր յոգնածութեան հակակշիռ է. զրոտ մտաւոր աշխատանքից յետոյ ձեռքի աշխատանքով զբաղելը մարդուս հանգստացնում և թարմացնում է:

Երկրորդ՝ արհեստների գնաւազան ճիւղերում վարժութեամբ ձեռք բերած ֆիզիքական ճարտարութիւնը, ճշտութիւնը և գործնականութիւնը ոչ մի վիճակի համար աւելորդ չեն կարող լինել:

Վերջապէս՝ ձեռքի աշխատանքի տնտեսական կողմն ամեն վիճակի մարդոց համար ևս ունի նշանակութիւն: Մտաւոր աշխատանքով զբաղողներից շատ յաճախ գանգատներ են լուում, թէ կեանքն օրէցօր թանգանում է, ապրուստը դժւարանում, և՛ կթէ իրանց չեն զրկում յարմարութիւններից և հաճելի հանգստութիւնից իրանց ապրուստը հայթայթող աշխատանքից յետոյ, չափազանց դժւարանում են ծայրը ծայրին հասցնել: Ահա տնային ձեռքի աշխատանքը կարող է այս կարգի մարդոց կեանքը թեթևացնել ու քաղցրացնել, ազատելով աւելորդ ծախսերից, եօլա գնալ իրանց սեփական միջոցներով, միկնոյն ժամանակ նրանց հաճելի և օգտակար զարճութիւն պատճառել:

Այսպէս ուրեմն մեր ժամանակի ամենածանրակշիռ ինդիւրն է ընտանիքի մէջ մտցնել և արմատացնել ձեռքի արհեստները կամ տնայնագործութիւնը: Նրա նպատակն է դաստիարակել ֆիզիքապէս և մտաւորապէս զարգացած սերունդ, որ հաւասարապէս ընդունակ լինի թէ ֆիզիքական և թէ մտաւոր առաջադիմութեան: Ձեռքի աշխատանքին հարկաւոր է վերա-

դարձնել իր նախկին պատուաւոր տեղը և ազնիւ կերպարանքը:

Ուսումնարանն և ընտանիքն իրանց վրա պիտի վերցնեն այդ խնդրի իրագործումը: Ուսումնարանը միշտ կըկազայ, մինչև որ նրա ծրագրի մէջ չեն մըտցըրել ձեռքի աշխատանքն իր զանազան տեսակներով, իբրև պարտաւորեցուցիչ ուսանելի առարկայ: Ուսումնարանի գործն է խրախուսել և քաջալերել ընտանիքը, իսկ ընտանիքի գործն է ուսումնարանի սկսածը պաշտպանել:

Ընտանիքները դեռ ևս սակաւ են հասկանում այդ կարևոր խնդրի նշանակութիւնը և սակաւ են հետաքրքրուով գրանով: Անշարժութիւնը դեռ մեծ է. դատարկապորտութիւնը սովորութիւն է դարձել, իսկ նորամուծութեան ձգտումը մեծ մասամբ միայն խօսքերով է արտայայտուում: Հասարակութեան առաջադէմ դասի ծնողները թող ամեն ջանք գործ դնեն, որպէս զի ուսումնարանը շուտով օգնութեան հասնի միջին կարգի ընտանիքին, և ուսումնարանն էլ թող համոզի բոլոր ծնողներին, որ նոր սերունդը չըպիտի կրկնի հնի սըխալները: որդիքը պարտաւոր են հայրերից աւելի լաւ լինել:



ՄԱՆԿԱՎԱՐԺԱԿԱՆ ԳՐԱԴԱՐԱՆ

- I Երեխայի կրթութիւնը մինչև 6-տարեկան հասակը—
Հինրիկ Վերնիցի թարգմ. Ստ. Լիսիցեանի 25 կ.
- II Երեխայի բունը—Վիրենիուսի, թարգմ. Ստ. Լիսիցեանի: 15 կ.
- III Երեխայի ազատութիւնը, Կ. Հ. Վինտցելի,—Մեծերն ու փոքրերը—տիկ. Իսահակսէնի, թարգմ. Ստ. Լիսիցեանի: 15 կ.
- IV Սովորութիւնները, նրանց նշանակութիւնը ու կըրթութիւնը—Կ. Ելնիցկու, թարգմ. Մ. Աղ. և Ստ. Լ. 15 կ.
- V Պարզեներն ու պատիժները ընտանեկան դաստիարակութեան մէջ—Ֆեսենկօի, թարգմ. Մ. 15 կ.
- VI Որտեղից է աշխարհ եկել քո փոքրիկ եղբայրը—Գալանդաուէրի, թարգմ. տ. Հ. Թոփչեանի: Ծանօթացրէք կեանքի ձագման հետ—Տիկ. Սելմերի, թարգմ. Ստ. Լ. 15 կ.
- VII Ընտան. դաստիարակութեան նպատակներն և հիմունքը.—Պ. Կապտերի, թարգմ. Միս. Աս. 15 կ.
- VIII Ինչն է հետաքրքրում և դարձացնում մանկան—Ակսէլ Արստալ թարգ. Ստ. Լիսիցեանի 15 կ.

Գինն է 15 կոպ.

Ճանապարհածախսը՝ 1 ո. ոչ պակաս գնողների համար խմբագրութեան վրա է Тифлис, Редакция «Аскеръ».

ՀՀ Ազգային գրադարան



NL0229453

47. 914